

**Hysbysiad preifatrwydd yn ymwneud â  
phrosesu data personol gan yr ysgol  
mewn perthynas â theledu cylch cyfyng**

**(Fersiwn 1.0 – er 27.09.2022)**



**MAE EICH DATA O BWYS**

**YOUR DATA MATTERS**

## **Ynglŷn â'r hysbysiad preifatrwydd yma**

Mae'r hysbysiad preifatrwydd yma'n ymwneud â phrosesu data personol gan ysgolion cynradd, uwchradd ac ysgolion pob oed yn Rhondda Cynon Taf (RhCT) sy'n cael eu cynnal gan yr awdurdod lleol (Cyngor Bwrdeistref Sirol Rhondda Cynon Taf neu CBSRhCT) ac ysgolion ffydd yn RhCT sy'n cael eu hariannu'n wirfoddol.

Mae'r hysbysiad preifatrwydd yma'n berthnasol i ysgol sy'n gweithredu system teledu cylch cyfyng.

Caiff yr hysbysiad preifatrwydd yma ei ddarparu gan CBSRhCT ar gyfer ysgolion o dan Gytundeb Lefel Gwasanaeth diogelu data, ac ar eu rhan.

## **Cyflwyniad**

Diben yr hysbysiad preifatrwydd yma yw darparu gwybodaeth am sut bydd yr ysgol yn defnyddio (neu'n 'prosesu') data personol am unigolion sy'n cael eu recordio gan y teledu cylch cyfyng.

Dim ond y lleiafswm o wybodaeth bersonol sydd ei hangen mewn perthynas â'r diben fydd yn cael ei phrosesu.

Dylech chi ddarllen yr hysbysiad yma yn ogystal â dogfennau canlynol yr ysgol:

- Hysbysiad Preifatrwydd Cyffredinol yr ysgol

## **Y Rheolwr Data**

Yr ysgol yw'r rheolwr data ar gyfer y data personol rydyn ni'n eu prosesu, oni nodir yn wahanol.

Mae hyn yn cynnwys y data personol sy'n cael eu prosesu gan y Corff Llywodraethu, pennaeth, llywodraethwyr unigol, athrawon, cynorthwywyr addysgu a staff cymorth ac ati.

Mae'r ysgol wedi'i chofrestru gyda Swyddfa'r Comisiynydd Gwybodaeth fel rheolwr.

## **Sut i gysylltu â ni ynglŷn â materion neu bryderon diogelu data**

Arweinydd Diogelu Data'r ysgol yw'r prif bwynt cyswllt ar gyfer materion diogelu data. Mae modd cysylltu â'r Arweinydd Diogelu Data gan ddefnyddio ein dulliau cyswllt arferol; dros y ffôn, e-bost, drwy'r post a drwy alw heibio yn yr ysgol.

Cliciwch [yma](#) am fanylion cyswllt yr ysgol.

## Y Swyddog Diogelu Data

Mae CBSRhCT yn darparu gwasanaeth cymorth diogelu data i'r ysgol o dan Gytundeb Lefel Gwasanaeth, gan gynnwys darparu Swyddog Diogelu Data.

Mae modd cysylltu â'r Swyddog Diogelu Data mewn perthynas â materion diogelu data. Fodd bynnag, rydyn ni'n eich annog chi i gysylltu â'r ysgol yn y lle cyntaf. Os bydd angen i chi gysylltu â'r Swyddog Diogelu Data yn uniongyrchol mae modd i chi wneud hynny drwy e-bost i'r cyfeiriad e-bost canlynol;

- [Rheoli.Gwybodaeth@rctcbc.gov.uk](mailto:Rheoli.Gwybodaeth@rctcbc.gov.uk)

Rydyn ni'n argymhell, wrth i chi gysylltu â'r Swyddog Diogelu Data, eich bod chi'n anfon copi o'r ohebiaeth at yr ysgol, a hithau'n rheolwr data.

## Y mathau o ddata personol rydyn ni'n eu prosesu

Rydyn ni'n prosesu delweddau o unigolion sy'n cael eu recordio gan deledu cylch cyfyng yr ysgol.

Dydy'r teledu cylch cyfyng ddim yn casglu clipiau sain.

Er nad ydyn ni'n mynd ati'n fwriadol i gasglu unrhyw ddata personol arall, mae'n bosibl y bydd y teledu cylch cyfyng yn casglu gwybodaeth bellach am unigolion megis problemau iechyd ac ati.

## Y mathau o ddata personol rydyn ni'n eu prosesu;

Rydyn ni'n prosesu data personol mewn perthynas ag unigolion sy'n cael eu recordio gan y teledu cylch cyfyng. Mae modd i'r wybodaeth yma gynnwys, ond heb fod yn gyfyngedig i:

- Disgyblion
- Rhieni, gwarcheidaid, cynhalwyr ac ati
- Staff yr ysgol
- Llywodraethwyr
- Ymwelwyr
- Contractwyr
- Y cyhoedd

## Pam rydyn ni'n prosesu data personol

Rydyn ni'n prosesu data personol er mwyn;

- canfod, atal, rhwystro a lleihau nifer y troseddau
- gwella diogelwch cyffredinol yr ysgol, ei hadeiladau a'i heiddo
- gwella iechyd a diogelwch ein haelodau staff, disgyblion, rheini ac ymwelwyr
- mynd i'r afael â materion diogelu
- cynorthwyo â chwynion neu bryderon (e.e. defnyddio deunydd ffilm y teledu cylch cyfyng i gefnogi archwiliad i gwyn neu bryder)
- cynorthwyo â hawliadau yswiriant neu hawliadau cyfreithiol (e.e. mae modd defnyddio recordiad teledu cylch cyfyng yn dystiolaeth i gefnogi neu amddiffyn hawliadau)

## Ein sail gyfreithiol ar gyfer prosesu'r data personol

Yn unol â'r Rheoliadau Diogelu Data Cyffredinol, ein sail gyfreithiol ar gyfer casglu data teledu cylch cyfyng a'u prosesu yw;

- **Tasg Gyhoeddus** - Erthygl 6 (e) – prosesu sy'n angenrheidiol ar gyfer cyflawni tasg er budd y cyhoedd neu arfer awdurdod swyddogol sydd wedi'i roi i'r rheolwr.

## Gan bwy ac o ble rydyn ni'n casglu data personol?

Rydyn ni'n casglu data personol yn uniongyrchol gan yr unigolion sy'n cael eu recordio gan y teledu cylch cyfyng yn yr ysgol.

## Gyda phwy rydyn ni'n rhannu data personol?

Dydyn ni ddim yn rhannu'r recordiad teledu cylch cyfyng gydag unrhyw sefydliadau allanol fel arfer. Fodd bynnag mae modd i sefydliadau allanol wneud cais i weld y recordiad teledu cylch cyfyng. Mae'n bosibl y byddwn ni'n rhannu data personol sy'n cael eu recordio gan deledu cylch cyfyng at y dibenion canlynol pan fo'r gyfraith yn caniatáu hynny.

Dyma restr o'r ceisiadau mwyaf cyffredin rydyn ni'n eu derbyn (dydy'r rhestr yma ddim yn gynhwysfawr). Bydd ceisiadau am ddata personol sy'n cael eu recordio ar teledu cylch cyfyng yn cael eu hadolygu ar sail pob achos unigol.

Yr Heddlu ac asiantaethau eraill sy'n gorfodi'r gyfraith	Mae'n bosibl y bydd data personol sy'n cael eu recordio ar deledu cylch cyfyng yn cael eu rhannu â'r Heddlu at y dibenion canlynol; <ul style="list-style-type: none"><li>• Atal a chanfod troseddau</li><li>• Dal neu erlyn tramgwyddwyr</li><li>• Achos cyfreithiol</li></ul>
Awdurdod Lleol e.e. carfan gorfodi	Mae'n bosibl y bydd data personol sy'n cael eu recordio ar deledu cylch cyfyng yn cael eu rhannu â'r Awdurdod Lleol at y dibenion canlynol; <ul style="list-style-type: none"><li>• Atal a chanfod troseddau</li><li>• Dal neu erlyn tramgwyddwyr</li><li>• Achos cyfreithiol</li></ul>
Y Llysoedd	Mae'n bosibl y bydd data personol sy'n cael eu recordio ar deledu cylch cyfyng yn cael eu rhannu â'r Llysoedd at y dibenion canlynol; <ul style="list-style-type: none"><li>• Achos cyfreithiol</li><li>• Gorchymyn llys</li></ul>
Cyfreithwyr a chynrychiolwyr cyfreithiol ac ati	Mae'n bosibl y bydd data personol sy'n cael eu recordio ar deledu cylch cyfyng yn cael eu rhannu â chynrychiolwyr cyfreithiol at y dibenion canlynol; <ul style="list-style-type: none"><li>• Achos cyfreithiol</li></ul>
Cwmnïau yswiriant, pobl sy'n ymdrin â honiadau ac ati	Mae'n bosibl y bydd data personol sy'n cael eu recordio ar deledu cylch cyfyng yn cael eu rhannu â chwmnïau yswiriant at y dibenion canlynol; <ul style="list-style-type: none"><li>• Achos cyfreithiol</li></ul>
Yr Awdurdod Gweithredol Iechyd a Diogelwch	Mae'n bosibl y bydd data personol sy'n cael eu recordio ar deledu cylch cyfyng yn cael eu rhannu â'r Awdurdod Gweithredol Iechyd a Diogelwch ac asiantaethau perthnasol i gefnogi archwiliad.

## Dibenion mewnol

Mae'n bosibl y byddwn ni'n defnyddio delweddau sy'n cael eu recordio ar y teledu cylch cyfyng at y dibenion mewnol canlynol. (Dydy'r rhestr yma ddim yn gynhwysfawr).

<b>Diben</b>	<b>Gyda phwy byddwn ni'n rhannu'r delweddau yma a pham</b>
Cynorthwyo â chwynion yn yr ysgol	<p>Cymorth i Lywodraethwyr (CBSRhCT) - mae'n bosibl y caiff delweddau eu rhannu os yw'n addas, yn berthnasol ac yn angenrheidiol, er mwyn cael cyngor, cymorth ac arweiniad ac ati yn unol â'r gweithdrefnau cwynion ar gyfer cyrff llywodraethu ysgolion yng Nghymru.</p> <p>Corff Llywodraethu / Panel Annibynnol - mae'n bosibl y caiff delweddau eu rhannu os yw'n addas, yn berthnasol ac yn angenrheidiol, fel bod modd i'r corff llywodraethu/panel annibynnol gyflawni eu swyddogaethau gorfodol mewn perthynas â chwynion yn yr ysgol yn unol â'r gweithdrefnau cwynion ar gyfer cyrff llywodraethu ysgolion yng Nghymru.</p> <p>Adnoddau dynol (CBSRhCT) – e.e. os yw cwyn yn ymwneud ag aelod o staff, bydd delweddau'n cael eu rhannu os bo hynny'n addas, yn berthnasol ac yn angenrheidiol at ddiben gofyn am gyngor, cymorth neu arweiniad ac ati mewn perthynas ag unrhyw faterion disgyblu posibl.</p> <p>Rheoli Gwybodaeth / Swyddog Diogelu Data - os yw cwyn yn ymwneud â mater diogelu data, mae'n bosibl caiff delweddau eu rhannu, os yw hynny'n addas, yn berthnasol ac yn angenrheidiol, at ddiben gofyn am gyngor, cymorth neu arweiniad ac ati mewn perthynas ag unrhyw faterion disgyblu posibl.</p>
Cynorthywo â hawliadau yswiriant	Is-adran Yswiriant (CBSRhCT) - mae'n bosibl y caiff delweddau eu rhannu â'r is-adran yswiriant a chwmni yswiriant/hawliadau'r ysgol os yw hynny'n addas, yn berthnasol ac yn angenrheidiol at ddiben mynd i'r afael â hawliad (e.e. os yw'r teledu cylch cyfyng wedi recordio'r achos sy'n destun hawliad, bydd y delweddau yn cael eu defnyddio yn dystiolaeth i gefnogi'r hawliad).

Cynorthwyo â mater disgyblu aelod staff	Adnoddau Dynol (CBSRhCT) - mae'n bosibl y caiff delweddau eu rhannu â'r is-adran yswiriant a chwmni yswiriant/hawliadau'r ysgol os yw hynny'n addas, yn berthnasol ac yn angenrheidiol at ddiben gofyn am gyngor, cymorth ac arweiniad e.e. mewn perthynas â mater disgyblu.
---	--

## Proseswyr data

Mae proseswr data yn gwmni neu sefydliad sy'n prosesu data personol ar ran rheolwr. Mae'r ysgol yn defnyddio proseswyr data sy'n darparu gwasanaethau i ni. Dyma'r categori o broseswyr data y mae'r ysgol yn eu defnyddio mewn perthynas â theledu cylch cyfyng yn yr ysgol:

- Darparwyr Systemau Teledu Cylch Cyfyng

Mae ein proseswyr data yn gweithredu ar ein cyfarwyddyd ni yn unig. Does dim modd iddyn nhw wneud unrhyw beth gyda'r data personol oni bai ein bod ni wedi eu cyfarwyddo i wneud hynny. Fyddan nhw ddim yn rhannu'r wybodaeth bersonol ag unrhyw sefydliad ar wahân i ni nac yn ei defnyddio at eu dibenion eu hunain. Byddan nhw'n eu dal yn ddiogel ac yn eu cadw am y cyfnod rydyn ni wedi'u cyfarwyddo i wneud hynny.

Os oes gyda chi ymholiad penodol yn ymwneud â'n proseswyr data, cysylltwch â'r Arweinydd Diogelu Data.

## Am ba mor hir y byddwn ni'n cadw'r data personol?

Mae'r ysgol yn cadw recordiad teledu cylch cyfyng am un mis. Ar ôl i'r cyfnod cadw ddod i ben, bydd y recordiad yn cael ei ddinistrio'n ddiogel ac yn barhaol.

Os yw recordiad yn destun archwiliad gan yr Heddlu neu archwiliad i ddamwain neu rywbeth debyg, bydd copi o'r recordiad yn cael ei gadw am ragor o amser .

## **Eich hawliau o ran diogelu data**

O dan gyfraith diogelu data, mae hawliau gyda chi y mae angen i ni eich gwneud chi'n effro iddyn nhw. Mae'r hawliau sydd ar gael i chi yn dibynnu ar ein rheswm dros brosesu eich data personol.

### **Eich hawl i weld eich data personol**

Mae'r hawl gyda chi i ofyn i ni am gopiâu o'ch data personol. Mae'r hawl yma'n berthnasol ar bob adeg. Mae rhai eithriadau, sy'n golygu efallai na fyddwch chi'n derbyn yr holl ddata rydyn ni'n eu prosesu bob amser. [Mae modd i chi ddarllen rhagor am yr hawl yma ar wefan Swyddfa'r Comisiynydd Gwybodaeth.](#)

### **Eich hawl i'ch data gael ei gywiro**

Mae'r hawl gyda chi i ofyn i ni gywiro data personol sy'n anghywir yn eich barn chi. Hefyd, mae gyda chi'r hawl i ofyn i ni gwblhau data sy'n anghyflawn yn eich barn chi. Mae'r hawl yma'n berthnasol ar bob adeg. [Mae modd i chi ddarllen rhagor am yr hawl yma ar wefan Swyddfa'r Comisiynydd Gwybodaeth.](#)

### **Eich hawl i gael eich data wedi'u dileu**

Mae'r hawl gyda chi i ofyn i ni ddileu eich data personol mewn rhai amgylchiadau. [Mae modd i chi ddarllen rhagor am yr hawl yma ar wefan Swyddfa'r Comisiynydd Gwybodaeth.](#)

### **Eich hawl i gyfyngu ar sut mae sefydliadau'n defnyddio'ch data**

Mae'r hawl gyda chi i ofyn i ni gyfyngu ar brosesu eich data personol mewn rhai amgylchiadau. [Mae modd i chi ddarllen rhagor am yr hawl yma ar wefan Swyddfa'r Comisiynydd Gwybodaeth.](#)

### **Eich hawl i wrthwynebu'r defnydd o'ch data**

Mae'r hawl gyda chi i wrthwynebu i ni brosesu eich data personol mewn rhai amgylchiadau. [Mae modd i chi ddarllen rhagor am yr hawl yma ar wefan Swyddfa'r Comisiynydd Gwybodaeth.](#)

### **Eich hawl i drosglwyddo data**

Mae hyn ond yn berthnasol i ddata personol rydych chi wedi eu rhoi i ni. Mae'r hawl gyda chi i ofyn i ni drosglwyddo'r data personol rydych chi wedi'u rhoi i ni o un sefydliad i'r llall neu eu rhoi i chi. Mae'r hawl yma ond yn berthnasol os ydyn ni'n prosesu'r data personol yn seiliedig ar eich caniatâd neu o dan ymrwymiad i gontract, neu wrth drafod derbyn contract, a bod y prosesu'n awtomataidd. [Mae modd i chi ddarllen rhagor am yr hawl yma ar wefan Swyddfa'r Comisiynydd Gwybodaeth.](#)



Does dim rhaid i chi dalu am arfer eich hawliau. Mae mis gyda ni i ymateb i'ch cais o'r dyddiad y caiff eich cais ei ddilysu. Mae modd i ni ymestyn y cyfnod yma am ddau fis arall os yw'r cais yn gymhleth neu os byddwn ni'n derbyn nifer o geisiadau gennych chi.

Cysylltwch ag Arweinydd Diogelu Data'r ysgol os ydych chi'n dymuno gwneud cais.

### **Eich hawl i wneud cwyn i'r ysgol ynghylch diogelu data**

Mae'r hawl gyda chi i gwyno i'r ysgol os ydych chi o'r farn nad ydyn ni wedi trin eich data personol yn gyfrifol ac yn unol ag arfer da.

Os oes gennych chi bryder, rydyn ni'n eich annog i gysylltu â'r Arweinydd Diogelu Data yn y lle cyntaf. Mae modd datrys y rhan fwyaf o bryderon yn gymharol gyflym trwy ffonio neu e-bostio'r ysgol. Os hoffech chi wneud cwyn ffurfiol mae modd i chi wneud hynny drwy ein polisi cwynion.

### **Eich hawl i wneud cwyn i'r Swyddfa'r Comisiynydd Gwybodaeth ynghylch diogelu data**

Mae modd i chi hefyd gwyno i Swyddfa'r Comisiynydd Gwybodaeth os ydych chi'n anfodlon â sut rydyn ni wedi defnyddio'ch data, ond rydyn ni'n eich annog chi i gysylltu â ni yn y lle cyntaf.

Dyma fanylion cyswllt Swyddfa'r Comisiynydd Gwybodaeth:

- Cyfeiriad: Information Commissioner's Office, Wycliffe House, Water Lane, Wilmslow, Cheshire, SK9 5AF
- Rhif y Llinell Gymorth: 0303 123 1113
- Gwefan: <http://www.ico.org.uk>

## Rheoli'r fersiwn

<b>Rhif y Fersiwn</b>	<b>Dilys o</b>	<b>Dilys hyd at</b>	<b>Sylwadau</b>
1.0	27.09.2022		Llunio'r ddogfen. Y ddogfen derfynol